



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

IV. Extra prouinciam causa potest delegari.

urn:nbn:de:hbz:466:1-15588

ANNO CHRISTI
1179. liceat eidem Eboracensi secundum communem consuetudinem, & Honorii patris nostri sanctionem, vel domini nostri Paschalis mandatum a suffraganeis auctoritate Romani pontificis consecrari.

C A P. III.

Idem vniuersis ecclesiæ Cantuariensis suffraganeis.

Cum non ignoretis, venerabilem fratrem nostrum Cantuariensem archiepiscopum vobis non solum metropolitico, sed etiam iure legationis præesse, mirabile fatis est, quod quidam vestrum (sicut audiuimus) asseuerare præsumperunt, quod idem archiepiscopus nullam causam de episcopatibus vestris, siue legationis, siue metropoleos iure, audire debeat, nisi per appellationem ad ipsum deferatur. Sane licet metropolitico iure forte non debeat causam de vestris episcopatibus, nisi ad eum per appellationem deferatur, audire, legationis tamen obtentu vniuersas causas, quæ de ipsis episcopatibus per appellationem vel per aliquam querimoniam perueniunt ad audienciam suam, audire potest & debet, sicut qui in prouincia * tua vices nostras gerere probatur. Mandamus itaque venerabilitati vestra atque præcipimus, quatenus causas quæ de episcopatibus vestris ad eundem archiepiscopum perferuntur, eius iudicio relinquatis: nec quemlibet clericum vellaicum vestra iurisdictionis deterrere vel impedi-re tentetis, quo minus causas suas ad præfatum archiepiscopum, si voluerit, transferre possit.

C A P. IV. *Idem nobilissimo duci Venetiæ.*

Cum essemus Venetiæ, & ibi diutinam moram fecissemus, proposuisti nobis constanter atque solicite, sæpe contingere, quod cum inter clericum & laicum tuæ iurisdictionis de pecuniaria causa controuersia vertitur, clericus ad nostram appellat audientiam: & personis extra terram tuam existentibus, iurisdictionis causam impetrant quandoque committi, qui super huiusmodi causis iudicare nolunt, aut nesciunt legem aut consuetudinem Venetorum. Vnde quia occasione ista tam frequenter a laicis clerici indebitate fatigantur, & damna grauia sibi prouenire proclamant; nos fauore tuæ deuotionis inducti, & tuis

9. q. 3. Con-
quiclus.
Dist. 63.
Quoniam
nos. 25. q. 1.
Seruatis. 11.
q. 1. Perue-
nit.

precibus inclinati, auctoritate apostolica tibi duximus indulgendum, ut si aliquando clericus de terra tuae iurisdictionis super pecuniaria causa contra laicum ad nostram audientiam appellauerit, non nisi personis quae de terra tuae iurisdictionis sunt, & secundum legem & consuetudinem Veneticorum iudicare debeant, committamus: ita quod indulgentia nostra non beat nisi nostro tempore durare.

C A P. V.

Milites templi Hierusalem, * sub tempore gratiae noui * adduci Machabæi, abnegantes sæcularia desideria & propria relinquentes, tollentes crucem suam, & secuti sunt Christum, ipsi sunt per quos Deus orientalem ecclesiam a Paganorum spurcitia liberat, & Christiani nominis inimicos expugnat. Ipsi pro fratribus animas ponere non formidant: & peregrinos ad sancta loca proficiscentes, tam in eundo quam in redeundo a Paganorum incursibus defendunt. Et quoniam ad tam sanctum & pium opus explendum eis facultates propriæ non suppetunt, præsentibus literis exoro, quatenus inde subleuetur eorum inopia, populum a Deo vobis commissum, collectas facere moneatis. Quicumque * de facultatibus a Deo sibi collatis, in ista secunda collecta se constituerint, eisque beneficium persoluerint per annum, septimam partem pœnitentia iniunctæ confisi de beatorum apostolorum Petri & Pauli meritis, indulgemus. Si vero excommunicatus non fuerit, & eum mori contigerit, ei cum aliis Christianis sepultura ecclesiastica non negetur. Cum autem fratres ipsius templi, qui ad collectam destinati sunt suscipiendam, in ciuitatem, castellum, villam, aut vicum aduenient, si forte locus interdictus sit, in iucundo eorum aduentu pro templi honore, & eorum S. militum reuerentia, semel in anno aperiantur ecclesia: & exclusis excommunicatis, diuina mysteria celebrentur. Quæ vero de non excommunicatis militum eorum fratribus sepulturæ tradendis, & excommunicatis in eorum aduentu exclusis semel in anno, a nobis statuta sunt, vobis mandantes præcipimus, ut per omnes parochias faciatis irrefragabiliter per omnia obseruari.

Idem